

Число 8—9.

Ужгород, 1. мая 1924.

Рочник IV.

БЛАГОВѢСНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ



XPI CTOCK — ROCKPENCE

Христосъ Воскресе!

Жиды Христа побѣдили... Пилатъ выповѣвъ смертный судъ на Христа, а фарисеями подкупленъ наемники съ великимъ крикомъ и торжествомъ несутъ *Невинного* на розпятіе и на смерть... А той, кто все за правду боровся, кто не мавъ найменшого грѣха, кто каждому лишь добро хотѣвъ и дѣлавъ, мусить умерти на крестѣ меже розбойниками...

Правда на крестѣ висить, умерае, а *ложь* на земли тріумфуе, торжествує... Большинство стоить при фарисеяхъ; народъ, политична власть, улиця, вояки, цѣлый урядничій аппаратъ, всѣ подперають ложь и всѣ воюють противъ правды... Не чудно также, что Правда мусить проиграти, что Правда мусить на крестѣ умерти...

Якѣ знакомѣ суть намъ сесѣ слова: большинство, народъ, политична власть, урядничій аппаратъ! Всягды где нашу правду розпяли, всягды чулисъме за волю народа, за большинство, за политичну власть, котра подперала отступниковъ, шизматиковъ въ борбѣ противъ насъ, противъ Христовоѣ вѣры, противъ правды.

Такъ! Шизматики можуть ся похвалити съ тымъ, что въ декотryхъ селахъ побѣдили, что знишили силу греко-каѳоликовъ; можуть одкликоватися на то, что большинство народа зъ ними е, что уряды не роблять имъ перепоны, что не караютъ ихъ за грабежъ церкви и можуть съ помочію сихъ выповѣсти смертный судъ на нашу правду, на правду и истинну Христовоѣ вѣры...

А при нашей правдѣ зостали лишь немногы,... 7—10 людей, свѣдомыхъ христіянъ, которыхъ не можно было ни купити гроши, ни настрафити погрозами... они не далися, бо у нихъ мильша была правда и дорогша вѣра, якъ саме житя...

Правѣ такъ, якъ у тыхъ, котрѣ подъ крестомъ Христа стояли... и ихъ мало было и ихъ грозили смертю и ихъ терроризовали и ихъ высмѣяли и на тыхъ камѣня метали, но они не боялися, и отъ Христа не отступили.

И тамъ большинство было противъ Христа; тамъ были фарисеи зъ довгими бородами, тамъ была урядова

сила, тамъ были жандары римскѣ, чтобы „порядокъ“ воздержати, тамъ были подплаченѣ крикуны, жоны, которыхъ „право не ъмить“, все тамъ было и всѣ противъ Христа были...

И Христа побѣдили...

Но лишь дочасно... Говорили, упевняли себе фарисеи, что уже вшиткому конець, Назарянинъ уже побѣжденъ, не буде имъ уже прикрости робити... но въ глубинѣ сердця все на то думали: а если во истинну се бывъ истинный Христосъ?! А на третій день выяснилося все! Мимо большинства, мимо волѣ „народа“ мимо урядовоѣ власти, мимо подплаченоѣ товпы — Христос воскресъ изъ мертвыхъ и правда побѣдоносно выйшла изъ гроба...

А вы братя схизматики, котрѣ такъ хвалитеся съ большинствомъ, съ подпорою правительства, съ волею народа, ци не думаете даколи на то, что, а если и вы противъ истинноѣ вѣры боретесь, что правду прибиваете до креста и что тата побѣженна правда у недовгій час побѣдоносно воскресне?!

И если такъ, та ци будете мати силы, чести и характеру отверто заявити, что „согрѣшили‘сме, бо продалисме невинну кровь и боролисме противъ правды и истинны?!... (б)





Наука о вѣрѣ.

§ 8. Створеніе чоловѣка.

Вѣнцемъ Божой сотворительной дѣятельности есть чоловѣкъ. Доки при сотворенію іншихъ тварей св. Писаніе уживає слово: „Да будетъ“ доти при сотворенію чоловѣка Богъ такъ промовляє: „**Сотворимъ чловѣка по екразѣ нашемъ и подобію.**“ (Быт. 1, 26) Св. Писаніе слѣдуючимъ способомъ списує сотвореніе чоловѣка: „**И созда Богъ чловѣка, перстъ вземъ отъ землѣ, и вдѣнѣ въ лица его дыханіе жизни, и быстъ чловѣкъ въ дышѣ жизни и наложи Богъ изстѣпленіе на Адама и вси и взмъ единъ отъ рѣбра его... и созда Господь Богъ рѣбра въ женѣ и приведе ю къ Адамъ**“ (Іен. 3, 20). Потомъ поблагословяще ихъ сказавъ (Быт. 1, 27): „**Раститеся и множитеся и наполните землю**“ (быт. 1, 28).

Сie библійское оповѣданія есть антропоморфичное, которое представляє Бога дѣлать на людскій способъ, по мы се оповѣданія маеме — як то и св. отцы учать — толковати Богу достойно. Оно научае насъ на то, что а) чоловѣкъ есть сотвореніемъ Божімъ, кто по тѣлу походить отъ земли, но души же безпосередно отъ Бога; б) что душа чоловѣка есть образъ и подобіемъ Бога; и в) что всѣ люди походять отъ одной людской пары.

1. Наука не могла доказати похожденіе чоловѣка по тѣлу отъ звѣрины; противно всѣ знаци на то указываютъ, что чоловѣкъ, появившися на земли безъ предковъ. Се есть становище и св. Писанія, хотя одинокъ богословы попробовали теорію еволюції (развою) поширити и на чоловѣка. Однакожъ не есме обязанъ буквально толковати способъ сотворенія тѣла изъ глины и дыханія души, бо то написано антропоморфично, мы же повиннъ Богъ дѣланя Богу достойнымъ способомъ розумѣти.

Адамъ есть еврейское слово *адамъ* и только значить, якъ земля; въ латинскомъ *homo* и *huncus*. Ева — мати всѣхъ живучихъ.

2. Доки тѣло чоловѣка сотворено изъ готової матеріи (земля) посередно, доти душа прямо и безпосередно походить отъ Бога. Она есть духомъ бессмертныи, обдарована розумомъ и свободною волею, въ наслѣдокъ чого чоловѣкъ стаєся „образомъ и подобіемъ“ Бога.

Головно душа чоловѣка розлучае его отъ звѣринного свѣта. Въ посѣданю души чоловѣкъ способный на культурный животъ, познати правду, служити Богу, дѣлати добро и поступати навпередъ въ культурѣ. Напротивъ сего звѣрина не має жадной идеи, жадного высшого понятія, не має ни религії ни культуры и не есть способна на дальшій розвитокъ. Се уже утямивъ Адама, коли меже звѣрями не нашовъ до себе подобного (Быт. 2, 20). Благородность души отбивається на тѣлѣ чоловѣка: простий ходъ, величина мозга, чудесна пропорція тѣла, на всяку роботу способнѣ руки... суть знаками того, что тѣло чоловѣка есть храмомъ души бессмертной.

Въ посѣданю души бессмертной чоловѣкъ має высшъ цѣли, якъ звѣри. Рожденный на высшое, также має серіознѣ повинності и взглядомъ Бога. Має наповнятися тою думкою, что по души есть сыномъ Бога и въ наслѣдство чекає его царство Божое. Цѣлкомъ тѣлови служити и вдоволяти похоти плотскѣ, то есть скотинное житя и не достойное до чоловѣка.

3. И жона есть сотвореніемъ Бога; слова св. Писанія и туй Богу достойно треба розумѣти. То, что Богъ изъ ребра мужа сотворивъ жону, означає то, что жона есть ровноправною съ мужомъ и символизує единство супружества.

Св. Августинъ обясняє таємничій спосібъ сотворенія жоны такъ: Богъ не сотворивъ жону ізъ головы мужа, чтобы не была его панією, и не сотворивъ єї изъ ноги, чтобы не стала рабынею мужа, но изъ ребра, чтобы была тваришкою своего чоловѣка.

Адамъ и Ева стали прародителями всего людскаго рода. Св. Павель каже: „Богъ сотворилъ отъ єдиныя крохе весь языкъ чловѣчкъ, жити по всемъ лицъ земномъ“ (Дѣян. Ап. 17. 26). Съ единствомъ рода людскаго тѣсно связанный догматъ первородного грѣха и загальность откупленія рода людскаго.

Поровняюча лингвистика доказала, что всѣ языки меже собою спородненѣ и что колись спольное отечество мали въ Азії. „Якъ можливость маеме признати, что всѣ роды и расы людскѣ черезъ перетворъ отъ одной людской пары походять“ (Вирховъ на Виденскомъ антропологичномъ конгресѣ 1889). Всѣ люди мають сами тоты основнѣ прикметы, сами тоты моральнѣ и религійнѣ способности, всѣ говорять артикулацію и суть способнѣ на культурный розвитокъ.

Отъ коли жіють люде на свѣтѣ, то съ певностю опредѣлити не можно. Звычайно рахують на основѣ LXX 5,500 роковъ отъ сотворенія свѣта до Христа, которое число не певное и правдоподобно еще большое. Въ Єгиптѣ уже 4000 роками до Христа была доста розвита культура. Послѣ Edvard Meyer'a: 19-ый юлій г. 4241 до Христа, коли заведеній бывъ 365 дневный календарь въ Єгиптѣ, есть найстаршимъ историчнымъ датумомъ“.

Для чого мы празднуем недѣлю а не субботу?

Наш ревный читатель Янко Т. с. к. попросив редактора, чтобы у „Благовѣстнику“ написати пару слов о новой сектѣ кривовѣрской, котра празднует суботу вмѣсто недѣлї и для того называють ся „суботничари“. Дуже охотно то зробиме. Читателей всѣх просиме, чтобы добре перечитали, что буде написано и то другим давали, чтобы як найскорше выкоренити tot куколь спомежи нашого руського народу.

У Вашингтонѣ в Америцѣ має протестантска секта Адвентистов, котрѣ очекують скорый приход Спасителя на сей свѣт, много своих присташов. До той секты року 1860 ступила одна баптистка и она наговорила одну часть адвентистов, чтобы вмѣсто недѣлї праздновати суботу. Секта „баптистов“ учить як давно у нас „бугеришовѣрци“, что чоловѣка треба крестити аж по 33-ом роцѣ. Позднѣйше та частка адвентистов отдѣлилася зовсїм окремно и нынѣ они дѣйствують по Америцѣ и по Европѣ под іменем: *Суботичари*. У своих бесѣдах страшно наца дають на церков каѳолическу, на Папу як злодѣя говорячи, же то папы зробили той злочин и росказали праздновати недѣлю вмѣсто суботы. А ци то правда? Ой нѣт! Недѣлю праздновати вмѣсто суботы росказали сами апостолы на памяток воскресенія Христового, на памяток Сошествія Св. Духа и на памяток Рождества Христового, которое было також в недѣлю. Добре послухайте и потом сами судьте.

Что учить о празднованю недѣлѣ Працерков?

Что в третом столѣтію вже всѣ праздновали недѣлю а не субботу, то всѣ добре знаютъ, котрѣ знаютъ читати.

Звѣдаеш ся, дорогій брате, як было в другом столѣтію, с празднованьем недѣлї? Послухай добре.

От 155—174. року быв у Римѣ папа Сотер. Он писав писмо до Греціи епископу святому Діонисію. На то писмо отписав папѣ св. Діонисій. В том писмѣ читаеме и слѣдуючѣ слова:

„Днесъ мы славили святый день Господень, в котрый мы ваш (Сотеров) лист читали...“

Той „святый день Господень“ есть недѣля, бо так ся тогда недѣля называла. Але загляньме ще дальше, ще до старших часов.

Св. мученик Юстин жив от 100—165. роков. Он написав одну книгу на оборону христіянскої вѣры и послав ю римскому цареви Антонію Пію. Та книга писана коло 150. року. В ней в главѣ 67. стоить написано так: „*В день, котрый есть названный по солнцу, сходяться всѣ на спольное мѣсто, ци они бывают по мѣстах ци по селах*“.

„День солнца“ знаменує недѣлю. Св. Юстин для того тым іменем называє недѣлю, бо он пише поганскому царю, котрый

не познавав христіянське імя „день Господній“. Погане називали *нашу недѣлю*, „день сонця“.

Дальше той святий пише, що христіяне роблять на тѣх своїх собраніях — то єсть — на службѣ Божої в „день сонця“ т. е. „в недѣлю“. Он означає і причину, задля котрої ся христіяне сходять в той день на службу Божу. Головно для того, бо Іисус Христос *в той день воскрес.*

Як видите всѣ с тѣх слов, христіяне уже *на початку другого столѣття* по всюду празновали недѣлю а не суботу.

Послухайме *еще старше свѣдоцтво*: свѣдоцтво св. *Ігнатія* третього єпископа в Антіохії. (Перший єпископ там быв св. Петро скорше як пошов до Риму, другій Еводій). Св. Ігнатій быв учеником св. Іоанна, апостола, Он жив еще в апостолских часах. Єпископом быв за 40 лѣт. Року 107. дав го царь Траян одвести до Риму, гдѣ в амфитеатрѣ погинув мученическою смертю. С подорожи до Риму писав посланія многим епархіям. Одно таке посланіе написав и Магнежанам в Малої Азії. В том посланію так пише: „Коли тепер тіи, котрѣ еще жили в старых обстановинах (то єсть в жидовствѣ) пришли до нової надѣї (то єсть до христіянства) а уже суботу не празнують але живите упорядкують по дню Господню, в котрый уродило ся и наше живите через Него и через Его смерть... як бы мы могли жити отдѣлено от него, котрого ще и пророки чекали за учителя? (Гол. 9. Enchir. Patr. 45). Як красно и ясно свѣдчить апостолскій ученик против суботичаров адвентистов!

Але еще яснѣйше свѣдчить о празнованю недѣлї вмѣсто суботи так званий „Лист Варнавы, писаний меже 96 и 98. роком. В 15. главѣ старається доказати, что не жиды але христіяне празнують правдиву субботу. Отзывається на пророка Іссая: „Новомѣсячій вашихъ и субботъ и дне великаго не потерпю: поста и праздности и новомѣсячій вашихъ и праздниковъ вашихъ не навидить душа моя; бысте ми на сытость, къ тому не стерплю грѣховъ вашихъ“ (1, 13, 14.) Потом каже: „Уважайте як говорить Господь:

Не теперѣшнѣ суботы суть менѣ милѣ, але tota, котру я установив, котру, коли всю успокоиться, на початку осьмого дня зроблю, то єсть початком нового свѣта. Задля того и празнуеме осьмий день (седмий була субота), в котрой и Іисус из мертвих встає...“ Что скажутъ на сie свѣдоцтво адвентисты суботичари? Оно походить еще из апостолских часов. Еще тогда жив апостол Іоан, коли оно было написано.

А маємо ще одно свѣдоцтво из часов апостолских. Сie свѣдоцтво находитися в найстаршої книзѣ по Святому Евангелію. Та книга називається „*Dugache*“ по гречески, що значить: „*Наука 12 апостолов*“. Написана есть коло 90 року по народженю Христову.

В 14. главѣ той книги пише так:

„В день Господень сходѣть ся, ломте хлѣб и благодарѣть, исповѣдующи скорше свои грѣхѣ, чтобы ваша жертва была чиста“. Котрый день есть „день Господень“? Той самий день, котрого таким самым именем называв епископ св. Игнатій, котрый в той час жив — также недѣля. Як видимѣ из тых слов, христіяне вже тогда сходилися „на ломленіе хлѣба“ то есть на святое причастіе и на святу Службу Божу, котра того дня приносила ся Господу.

Як из тых слов видиме, недѣлю вмѣсто суботы праздновали уже іерши христіяне, уже за часов апостолских. Празднованье недѣлѣ, то есть „дня Господнього — было знаком христіянам против ѿидовскому празднованю суботы.“


Что треба отже и якій отвѣт дати адвентистам суботичарам? Треба им так сказать:

Вы або знаете за свѣдоцтва, котрѣ мы напомянули, або не знаете. Если вы то знаете, а хотите теперь баламутити народ неукій с празднованьем суботы вмѣсто недѣлѣ, то вы подплаченѣ от ѿидов або других ворогов вѣры нашої и вы за гроши готовѣ продати и совѣсть и душу свою.

Если вы тых свѣдоцтв не знали до теперь, можете их теперь послухати, порозумѣти, же сте сами были збаламученѣ и других есте баламутили. Совѣсть вам скаже, же треба зло поправити. Поправте зло, которое есте зробили и покайте ся за грѣхи и Бог вам их отпустить. Инакше загинете на вѣки.

„Почему мы должны праздновати недѣлю а не субботу“ под сим титулом написав д-р Юлій Гаджега в Ужгородѣ малу книжочку. Цѣна 2 Кч. Уніо. Ужгород. Кто хоче о том вопросѣ больше читати, най закаже собѣ тую книжочку.

Если читателѣ жадаютъ, чтобы и о другихъ вопросах написати, най до нас напишуть, а мы им напишеме дуже радо. Наша вѣра не боить ся жадныхъ ворогов. Але вѣру треба знати.



Два братя.

(Легенда из життя народа).

Были колись два братя. Оденъ бывъ великій богачъ, годовавъ конѣ только чистымъ овсомъ, зерно и по колько лѣтъ лежало въ стодолахъ, а золотѣ гроши то мѣркою мѣрявъ.

Рок 1924.

„БЛАГОВѢСТНИК“

Сторона 121.

Другій знова бывъ дуже бѣдный, цѣлымъ богацтвомъ его было пятеро дѣтей, а хлѣба не было ани кусника.

Завитала весела весна. Богачъ оре свои нивы и засѣвае золотою пшеницею, а бѣдный приходить до него и почавъ его просити:

— Брате! пожичъ менѣ коня съ плугомъ на половину дня, най и я собѣ царину выорю!

Але богачъ жаловавъ коня для свого брата и каже:

— У мене такъ богато роботы, что на жаденъ способъ я не можу тобѣ дати, хиба, якъ схочешъ, то возьмешь собѣ уже на Великденъ!

И тожъ робити? Пошовъ бѣдный на Великденъ съ плугомъ ниву орати, але оранье то страшне, бо здається ему, что земля стогне и кричить:

— „Не край мене въ такъ великое свято!“

А вийшовъ бѣдный орати дуже рано, чтобы при роботѣ его кто не видѣвъ. Оре, оре, одпадає скиба за скибою, а изъ очей льются ему горкѣ слезы, жахъ переймає его, ноги трясутся, что то изъ того буде, что онъ въ такъ великое свято крае землю. Не зъоравъ еще и половины поля, коли наразъ, озвався въ церкви дзвонъ, скликаючи людей на воскресну утреню.

Конь упавъ на колѣна и не суди Боже рушити его изъ мѣста, ажъ тутъ видить орачъ, бороздою просто на него иде старушокъ, якъ голубъ сивый, высокій и зъ сивою ажъ по поясъ бородою.

Видить то бѣдный орачъ, еще больше настрашився, его волося на головѣ стало дротомъ, руки и ноги трясутся и ставъ якбы вкопаный.

Старовина сближається до орача, стає коло него, та промовляє:

— Чоловѣче! опамятайся, что ты робишъ. Чиже ты Бога не боишъся, такъ великое свято не честовати, а вийшовъ ты землемъку краяти?

Почувши такъ слова отъ незнакомого старця, не знавъ что має на се отповѣсти, изъ жалю лиши слезы падуть изъ его очей якъ дождь. По хвилѣ спамятався, обтеръ рукавомъ свои очи и сказавъ:

— Знаю се, Божій старче, что я зле учинивъ, что въ такъ великое свято въявся до той працѣ, але что же было робити? Я бѣдный, своеѣ худобки не маю. Але у мене братъ, богачъ, и я ходивъ до него и просивъ его не разъ и не два, чтобы онъ менѣ давъ на половину дня коня съ плугомъ, чтобы я могъ собѣ ту ниву выорати, а онъ менѣ сказавъ: якъ хочешъ, то возьми собѣ на Великденъ, бо на Великденъ я не будуничого конемъ робити. — Тай я бывъ змушеный на Великденъ взяти коня, бо инакше моя нивка не была бы з'орана, и прийшло бы изъ голоду гинути.

Старець служавъ съ великою увагою, а коли бѣдный скончivъ свое сумное оповѣданье, очи старця заяснѣли добротою и сказавъ до бѣдака:

Лиши тутъ свою роботу, коня и плугъ, а самъ чимъ скорше спѣши на воскресну утреню, бо нынѣ „Христосъ воскресъ“. А своею нивкою не старайся, уже я нею заопѣкуюсь!

Бѣдный, не гаючись, полишивъ въсю якъ казавъ старець, а самъ чимъ скорше побѣгъ просто до церкви на утреню. А старець пошовъ тымъ часомъ до его брата, лукавого богача.

— Чоловѣче! что ты учинивъ? Ты жаловавъ дати своему бѣдному братови на хвилину коня, чтобы собѣ землю выоравъ, та деякое зерно кинувъ въ землю, изъ чего могъ бы мати кусокъ хлѣба для дѣтей; а ты ему казавъ на Великденъ орати? — сказавъ дрожащимъ голосомъ старець — коли тебѣ еще мало золота и срѣбра, якого маешь подостаткомъ и хлѣба только, что самъ не знаешь ему рахунку, то иди орати небоже, иди землю рыти и копати, иди перевертати свои нивы!

И въ той хвилинѣ вывювъ старець богача на моле, и перемѣнивъ его въ кертицу, кажучи до него:

— Отъ нынѣ будешь до конця свѣта подъ землею жити та вѣчно рыти и копати ту землю — за то, что ты въ такое свято — примусивъ своего родного брата до працѣ.

Ось така исторія кертицѣ, котра вѣчно землю рые, а на свѣтъ сонця не вольно ей глянути. Бо як лиши выйде изъ подъ землѣ на свѣтъ, сейчасъ гине.



Безвѣріє из дня на день росте. Дебы пѣт, коли оден батюшка „православный“ обѣцяє 100 долларовъ своимъ вѣрникамъ, если докажуть му на основѣ св. Писанія, что душа человѣческа есть безсмертна и что по смерти человѣка має пойти въ царство, въ чистилище, або въ пекло на вѣчнѣ муки.

Но та се доказати цѣлкомъ не тяжка робота.

1. Отворѣмъ лиш св. Писаніе. Айбо еще передъ тымъ глянемъ лиш на його. Та цѣла та книга про чо написана? Та ци

не кожда строчка є що пригадує нам то, что мы маєме душу безсмертну и что мы маєме досягнути наше вѣчное спасеніе. Вычеркнути из св. Писанія и из христіянскої науки вѣру в безсмертности души — та она перестане быти вѣрою христіянскою и Евангеліе святою книгою.

2. Або ци не выражено учить св. Писаніе безсмертіє души, коли Христос так красно каже: „Тако бо козлюби Богъ міръ сей, ико сына скоеого єдинороднаго дахъ есть; да всакъ вѣрълай въ онъ не погибнетъ, но да иматъ животъ вѣчный“ (Іоан. 3, 16). То перед каждым явно, что тѣло смертное и что живот вѣчный мати лише душа безсмертна може.

Христос у св. Маєя (гл. 10, 28.) так научає нас: „Не обойтесь отъ очищающихъ тѣло, душа же немогущихъ очистити“ або еще выраженніе у св. Іоанна (12, 25.) „ненавидай душа скоя къ мірѣ семъ, къ животу вѣчному сохранитъ ю“; и если прочитаеме все тѣ (премногѣ) мѣста так из старого, як из нового завѣта, где говориться о животѣ вѣчном чоловѣка — никто (здравым разумом) не буде сомнѣваться, что святое Писаніе выражено учить безсмертіє души людскої. Пригадуйме лиш собѣ прекрасну притчу Іисуса Христа о бѣдном Лазарѣ и о немилосердном богачѣ... Христос Спаситель майже на каждой сторонѣ св. Писанія говорить о вѣчном животѣ нашем. Так, напр.: „Іадый мею плоть и ніажъ мею крокъ имать животъ вѣчный“ (Іоан. 6, 54) або дальше: „Отцы ваши идеша маннѣ и оумреша; іадый хлѣбъ сей, живъ вѣдетъ въ кѣки“ (Іоан. 6, 59) и кто бы мог счислити все тѣ мѣста, где св. Писаніе выражено учить, что душа наша призначена для вѣчного житя....

2. А что до того вопроса, что душа по смерти иде до царства або до пекла, доста нам откликоватися на тѣ слова Спасителя, что сказати буде на страшном судѣ:

„Тогда речетъ Царь сѹщимъ Одеснѹю єго: прїйдите благословленніи Отца моего, наслѣдуйте оуготованное вами царствіе отъ сложенія міра“ (Мѳ. 26, 34) и потом: „Тогда речетъ и сѹщимъ ошию єго: идите отъ мене проклятіи къ огни вѣчній оуготованный дімволъ и аггеломъ єго (Мѳ. 26, 41)... и падутъ сіи къ мѣкѣ вѣчнію; праведницы же въ животъ вѣчный“ (Мѳ. 26, 46).

Думасеме, что большие доказов никто не потребує от нас досвѣдити, что душа по смерти чоловѣка иде або в царство, або в пекло и что так небеснѣ радости, як и пекельнѣ муки вѣчными будуть.“

3. А что чистилище е, то не только из св. Писанія явно, но и из здорового разума людского. Бо каждый христіянин знає, что цѣликом чиста, свята душа має право зараз по смерти ступити в царство. А тата душа, котра покрыта великими грѣхами, котра и на смертельной постели не хотѣла помиритися с Богом, то певцо, что пойде в пекло. Айбо что маєся стати с тою душою, котра не мала смертных (великих)

грѣхов, лишь сами простительнѣ, або за свои великѣ грѣхи не мала часу ту на земли покутовати? Явна рѣчъ, что до царства не може ступити, бо як св. Писаніе каже: „**Нѣ иматъ къ него книти всѧкоє скверно**“ (Апок. 21, 27): до пекла за малъ грѣхи не пускае еї Божа справедливость! Та тогды де має свою покуту отбыти, где має очиститися? Явно, что на таком мѣстѣ, где душа мучиться, но от своих мук очищається. А се мѣсто называється чистилищем або мытарством.

И св. Писаніе так учитъ, коли в Ветхом Завѣтѣ: оповѣдає, что Юда Макавейскій дав жертву приносити Богу за погибших в войнѣ, бо яккаже: „**Преподобное и благочестивое помышленіе отонудъ же за оумершихъ моленіе соткори ако да отъ грѣха очистятся**“. (Іл. Мак. XII. 46.).

Св. Писаніе туй не могло думати от грѣхов розрѣшити тых, котрѣ в пеклѣ суть, бо Христос в притчѣ о бѣдном Лазарѣ явно скаже, что меже пеклом и царством „**келіка пропастъ оутвердисѧ, ако да хоташи прйти отсюдъ къ камъ не возмогутъ**“ (Л. 16, 26) тых же розрѣшати от грѣхов, котрѣ уже в царствѣ суть, на се таکож не могло св. Писаніе думати. Явное также, что есть одно мѣсто, где души усопших терпять, но звотки можуть через наши молитвы и жертвы (св. служби) высвободитися.

Так учитъ и Спаситель, коли у Маоєя (5, 25-26) каже: „**Яминъ глаголю тебѣ; не изыдиши оттудъ, дондеже коздаси послѣдній кодрантъ**“ (геллеръ). Або коли говорить о таких грѣхах, котрѣ отпускаються на другом свѣтѣ (Мо. 12, 33). А на другом свѣтѣ, душа не може покутовати ни в пеклѣ, ни в царствѣ. Та тогды лиш в чистилищѣ! И там як св. Павел каже, чоловѣк „**спасется огнемъ**“ (І. кор. 3, 16). Сей огонь очищаючій чоловѣка есть огонь чистилища, через что душа спокутує свои грѣхи заплатить свой довг и зайде в царство.

Окрем св. Писанія можеме ся одзывать и на св. *Преданіе* т. е. на вѣру найдавнѣйших християн, навѣть и на вѣру самых „православных“, котрѣ таکож моляться, батюшки их паастасы и служби кончатъ за тых, котрѣ умерли, хотя добре знаютъ, что из пекла высвободити осужденну душу жаден батюшка не годен. Думаеме, что достаточно доказано есть, что душа наша безсмертна и еї доля по смерти нашей продовжается або в чистилищѣ, або в пеклѣ, або в царствѣ небесном. (б.)

*

Слѣдуючій вопрос поставить вѣрникам своим батюшка: *Что Бог в трех лицах: Бог Отец, Бог Сын и Бог Дух Св., и что все три суть одно; или же три раза по одному буде один. Когда даже школьный мальчик знае, что три раза по одному буде три.*

Конар от пня одятый высыхае. „Ческословенска церков“ есть путем до безвѣрія. Еї вожды та епископы стоять теперь посеред дороги, та похлипують ся за якоюсь помоцію. Насамперед за финансовою, но также из моральною. Что ся тыче

до финансовоѣ помочи, хиба лиш на милосердіе политичных партій може ся опирати, а в противном случаю з порожнот долони не могутъ наѣстися. Вожды, за которыми идутъ товцы — подивляются безрадно и безнадѣйно звѣдують отъ людей, которых они вели: а теперь куда?

Так пруться dr. Farský из Gorazde Pavlikem о направлѣ дороги. др. Фарскій, то поправдѣ іеврець из Чехії, Горазд Павлик еще по церковному орієнтуючійся моравець. Сесь прімѣтивъ, что „ческословенска“ ересъ есть призвана от размыслияющих, интелигентных людей и видить, что так бы дойшла к мысленковой яловости (myslenkové sterilit ) а неплодности. И хоче ю привязати к „православію“. В газетѣ „Trѣna“ Gorazd Pavlik с оттакими словами описує свое отчаяніе: „Еще и от материальноѣ помочи важнѣйшое дѣло есть про молоду церков помочи морально. Не могу собѣ и представити, что яку будучность буде мати тот напрям, котрый вже заллявся до церкви ческословенскоѣ, если числ. церков останеся церковно осамочена. По моему мірѣ небезпечность осамоченія, небезпечность безсистемовости линіи с приключением к единому усѣломуся комплексу можно бы обойти. Я не в своем интересѣ, но в наслѣдку рѣшенія обоих дотеперѣщих общих зборов ческослов. церкви ствою коло приключенія церкви числ.-оѣ до комплексу церкви православної. Догматически дуже близъко стоять к нашему направлѣ также и церков старокатолицка и направлѣ так званноѣ высокоѣ церкви (high church — южнѣ сѣрѣ) в церкви англиканской о котрой соединенію с православными церквами уже часто были переговоры“.

Из сих строчек можно вычитати страх Моравца, котрый около себе видить уже бѣду религійну и возраст свѣдомости католичества и его воздвиженіе. Сесь строчки: отчаянное раздумованія одного раздвоеного человѣка над неплодностю отступницства.

Але ци было бы можливо, обы изъ сектарством еще иншак случилося?! (Lidov  Listy).

Из шизматицкого раю.

Слово Боже в устах батюшки. Батюшки поодиноки еще не доучилися и прото они короткъ но „съ глубокими думками повнѣ“ проповѣди голосять. Другъ же говорять проповѣди повнѣ діяволскою злобою, ненавистю. Батюхи за каждый разъ доказательство даютъ о томъ, что они суть наслѣдниками Юды. Найновише у Вишњом Орлиху Виталіон Максименко, на Ш. недѣлю великого поста сяку пророческу блюхтанину проголосивъ:

„Павукъ робивъ павучину, а въ ню попала мушка. Павукъ мушку хотѣвъ до бембуха але зламавъ ногу. И

уяіаты попы ходять всю до бембуха, але и они зламлють ногу, як павукъ“.

Съ такою проповѣдю, блюхтаниною, что иные можуться бѣднѣ люде учити якъ: ненависть до правыхъ священниковъ Христовыхъ. Батюшки тѣшилибы ся тому, якъ бы мы ноги ломали; такою любовю наповиенъ они. Злоба есть ихъ признакомъ, что суть ученики діявола; бо Іисусъ Христосъ такъ говоривъ: Съ того познаю васъ, же єсте мои, если любовь будете мати въ себѣ“. А у нихъ не е любви, коли и из казательницы ненависть проповѣдують; така вѣра, которая опирається на ненависти, довго не може позостати. (п).

Батюшка в темницѣ. Не дармо Благовѣстник так много писав за бохтера Кенейза, бо на конци однак достигла недоля сего ревного борца „православія“. *Заперли го в темницю.* А то за то, бо збунтовав людей, чтобы взяли насилою от греко-каѳоликов церкв в Копашньовѣ. *Достав три мѣсяцѣ и утратив всѣ свои горожанскѣ права.* Як дочуваеме, прокураторія завдала против него процес и за третій разлом церкви, за что має достати и певно достане 3 роки. Гратулуеме.

Его вѣрники постоянно ходили его выпросити хоть лиш на свята, но дармо. Закон то закон. Коли увидѣли, что все даремно, выбрали из меже себе одного хлопа, именем Продан Михаила и послали 'го до Венямина, чтоб посвятив его. А Венямин добрий biskup, все зробить на дяку русинов — посвятив и сего на велику радость отступников.

Бѣда лиш хиба в том може быти, что доки другъ батюшки хоть лиш за три тыждни учать ся дачто перед посвященіем, сесь о. Продан Михайло анѣ одного дня не учив ся перед принятіем тайны священства. Думав собѣ: шизматикам и так добрий буду.

Се уже цѣльком много. Россійска газета: „Ізвѣстія“ сообщае, что комунисты в Москвѣ взяли церковь в Пименовой улицѣ и перемѣнили ю в звичайну танечну школу, где учать дѣвок и хлопцов танцовати. На стѣнах мѣсто св. образов висять образы Ленина, Троцкого и Либкнехта и выписанѣ суть всякѣ хулы на христіянску вѣру. А в Европѣ кричать, что вѣра, то приватное дѣло; если приватное, тогды дайте ей покой. (Apostolat с. 3—4.)

Мурник у церкви. Благовѣстник уже не раз подняв свой остерегаючій голос, чтобы народ держав ся до разуму и не допустив до церкви, до Божого дома, до престола Всевышнього таких особ, котрѣ перед пару днями коло коней, коло гусей служили, або были простыми роботниками. То уже повага святого мѣста пожадає от них, чтобы там не мав приступу кождый свѣтовець, Бог знає вотки походячій и Бог знає якими грѣхами оскверненый. Сам Христос за три роки учив своих апостолов, доки передав им власть перемѣнити хлѣб и вино в свое святое тѣло и кровь. Чоловѣкови онь слезы капают, коли видить и

Рок 1924.

„БЛАГОВѢСТНИК“

Сторона 127.

чуе, что знов оден кондаш або кочиш дохлався до престола Всевышнього,

Найновѣйше дочулисме, что в Керешких оден мурник им. Иван Бигарій дѣйствує; перед дасколько тыжднями спокойно мѣшав малтер в Хустѣ (ци где) а днесъ уже благословляє людей в Божом храмѣ. Ходив на теологію вшитко за З мѣсяцѣ, а то ему уже доста, чтоб ступив на казательницю и голосив глубокѣ истины Божої правды.

Благовѣстник уже принес урывки из его „мудрости“, коли прятав одного чоловѣка, кого дуб забив. Найновѣйше сей золотоустый речник выголосив в церкви, что в великом постѣ серинги не свободно ъсти, бо в том крове, а руслики уже мож, бо в тих не е крови. Пужає своих баранов, что сыны уніятского попа шибеницю правлять и на той зависять вождов „православных“.

В церкви кто говорить, той мусить клячати и горѣючу свѣчку має в руках держати. Многѣ уже клячили; одной недѣлѣ и сама батюшкія.

Та сякое робить в церкви той чоловѣк, кого не Божа ласка но людска ненависть положила до Божого дому. Соблазнь за соблазнею дѣсея в тих церквах, где колись щира молитва и глубока побожность подносилися до Всевышнього...

Где колись Богом выбрани священики отправляли службу Божу и научали народ на побожность, там теперь дриворуби и мурники оскверняють престол Божій и говорять безумія и дурницѣ из казательницы.

Жаль, великий жаль, что наш христіянскій народ таку долю мав зазнати.

Уже и осьмий батшак утѣк из Улич Кривы. Котрогось дня пришов до Улич Кривы, где уже семеро батюшок пробовали іщаствія, оден бродач им. Георгій Биланіч дриворубець (ца-пинарь) из Маромороша. Схизматиков находить ся там лишь около 5—6 людей, другѣ вже од початку твердо ся держать своеї отцевской вѣры. Айбо и сесь не радо принимали его; отправляли богослуженія без его содѣйствія, так что батюшка у 4 дни изчез из села. Осирочені схизматики на се письменно заявили, что хотять в мирѣ жити с греко-каѳоликами и пообѣцяли, что не будуть домагатися ни церков забрати, ни школу уживати на свої богослуженія. (На се притискас их и жупанское розпоряженіе). Но однакож зостали якъсъ слѣды тому, что батюшка за 4 дни в селѣ быв: Одной ночи выбили всѣ окна духовника греко-каѳ-ого, и одного ревного борца Христової вѣры, Дунайчак Василя. Се и нич іншого не зостало за ним из благодатного дѣйствованія „православного отца“...

Каке безбожник: Вѣру вынайшли сами священики. — **Откѣт:** Се така мудра бесѣда, як то сказать, что желѣзницю вынайшли кондукторы а телеграф сами поштарѣ.

Борьба за церковь.

Ци получили шизматики гр.-кат. церков и школу в Улич-Кривъ?

Улич-Крива, головное мѣсто дѣвствованія о. финансового урядника батюшки Тыблевича служить примѣром на то, что конец уже насильственному забиранію гр. кат. церквей, маєтков и школ, бо — хвала Богу уже и в сих дѣлах починается правдива консолидація.

Василь Кочан и товариш его из Улич-Кривы, зачим не могли взять гр. кат. маєток, церков и школу --- завдали прошеніе до кошицкого жупана, чтобы зареквировати, для нихъ ибо там нема людей гр. кат.-ов.

Теперь одповѣв на се жупан, что гр. кат. маєтки суть властностю гр. кат. церкви, котръ без дозволенія гр. кат. не можно взять.

Копія. „Жуцанскій Уряд в Кошицах. Число: 6903-924. 20. марта 1924 относительно прошенія Василя Кочана и спольников, обывательов в селѣ Улич-Крива о забезпеченіи выконовання православных богослуженій в гр. кат. Церкви в Уличѣ-Кривѣ а забраня школьноТ будовы на бываня про православногодуховника, по пересмотрѣнію сего дѣла рѣшили слѣдуюче. Конечное рѣшеніе. Жупанский Уряд в Кошицах прошеніе Василя Кочана и спольников показом на 1. §. 1. зак. 12. авг. из 1921 рока число 304 „sbirka zakonov a nariadeni“ выданий законом по которому II. ст. политичній уряд может забрати будовы особенно по единѣ мѣстности на публичнѣ цѣли, доки то пожадае публичный интерес, — як правный подклад неимѣюще отдаляе. Доводы: Жупанскій Уряд в Кошицах прошенія вышеспомянутых, зареквированія гр. кат. церкви а забезпеченіе православных богослуженій, не лиш из той причины принужден отдалити, ибо теперь о потребѣ публичной не е слова, но зато, бо гр. католическая церков сама разпоряжае своим маєтком, который як сякій не може на ишшу цѣль хосноватися и може ся держати як дѣло выбранное из обороту (*res extra commercium*) которое до своего часу не може ся одчужковати и не може ся натерхати чужим правом дѣла и в наслѣдок сего без дозволенія церковной власти другой вѣрѣ для богослуженія не мож реквировати. Что ся тѣче до отбиранія церкви будинка гр. кат. школы дозираючи на то обстоятельство, что сеся школа впервых має служити цѣлям научания а не на бываня и просителѣ из их прошеніем 7. §. 1. зак. число 704. зб. зак. а. и М. В. в смыслѣ закона и позираючи на то, что в сей школѣ не учится, отдалити были принужденѣ, понеже не е удостовѣreno, что отбиранія школы публичный интерес пожадае и особенноproto, что будинок школы е властность Церкви и над сей має право только властъ церковна“.

Однакож шизматики и мимо сего попробовали занятии церков, так что на конци командант жандаров мусѣв потолковати „братьям“, что „чужос не рушай, бо достанеш“. В каждом селѣ треба бы таких ревных вѣрников, як в Улич-Кривѣ суть, котрѣ уже — на чоль с ревным, молодым священиком о. Ю. Роговским — выпостили 7 батюшок и теперь на 8-ый раз отбили напады и самого Венямина ческословенского бискупа. Слава и честь вам!

ВСЯЧИНА

Монах и безвѣрный полковник. В часах великоѣ французскоѣ революціи заняв отдѣл французского войска одно нѣмецкое мѣстечко над рѣкою Реном. Проводником войска быв оден полковник, который быв безвѣрком и жив роспустно. Случайно стрѣтнув он раз одного монаха Капуцина. Безвѣркови не могло помѣститися в головѣ, як можуть быти ще такѣ люди, котрѣ вступаютъ в монастырь и побожно жіютъ. Тому спытався монаха:

— Як можете быти такѣне розумнѣ, чтобы замыкатися в монастырь и отрѣкатися всякой земной радости?

Капуцин глянув на офицера поважно и сказав: — А чому вы, пане полковник, посылаете вояков на варту в день и в ночи? Таж нѣгде далеко и широко не видно непріятеля; а коли прїйдутъ Прусаки або Австрійцѣ, то прїйдутъ як добрѣ пріятель без оружія. Ци не так?

— Видно, отче, что вы не вояк. Варту поставляеме, чтобы быти безпечными. Непріятель або прїйде, або не прїйде. Коли не прїйде, — добро, можеме спокойно спати. А коли прїйде, то не без оружія, як вы думаете. А сторожа нас о том повѣдомить, чтобы мы так его приняли, як треба.

— Дуже добрѣ, пане полковник сказав монах. Видите и на наше житѣ наставае непріятель-смерть. А по смерти начинається вѣчность. Або може вы, пане полковник, думаете, что со смертю все кончиться? — Або се такое певное, что душа жіе и по смерти? Сказав с насмѣшкою полковник.

— Можете дати доказ, пане полковник, — звѣдався монах, что и душа умирае? Отповѣдайте!

— Я не могу сего доказати. Але начто вы, отче про се питаетесь?

— На се сказав монах:

Что всѣ умреме, на то не треба доказу. А по смерти може быти двояко: або умирае и тѣло и душа разом, або умирае саме тѣло, а душа живе и надальше.

А може есть и что третье, пане полковник?

— Правда ваша Отче, то мушу признати.

— Вы, пане полковник, ученый чоловѣк, а ученый чоловѣк повинен доказати то, что твердить, сказав дальше монах.

— Так, так, але...

— Дозвольте, пане полковник, чтобы я скончив. Припустѣм, что по смерти не е вѣчного житя, нѣ заплаты, нѣ кары. То добре я не буду жаловати, что тых нѣсколько лѣт быв на сторожѣ, так як вы не жалуете, что посылаете вояков на сторожа хоть ворог и не прїде. Але если есть вѣчность так, як то учить вѣра хр. каѳолическа, то что буде с Вами, пане полковник? А Вы, пане полковник не знаете певно, что нема вѣчности, а однак вы не приготованы до нападу, хоть ворог кожноѣ хвилѣ може вас напасти.

Полковник поглянув на Капуцина и не мог жадного слова отвѣчати. Монах продовжав: — Но а коли е вѣчность, коли є суд, коли е небо и пекло, я спокойно дивлюся у вѣчность. А вы в том случаю, пане полковник, былисте недобрый вояк, бо сте не стояли на сторожи. Но вы блѣднете.. чому? Тадь вы вояк.

— Правду маєте, Всечестный Отче; я спав на сторожи. Кожноѣ хвилѣ може прїти непріятель — смерть — особливо у нас вояков. Полковник достав добру науку: Та наука помогла. Он перемѣнився и зостав ревным и побожным чоловѣком. „Бдїйтє и вѣдьте готовы, понеже не знаєте дна ни часа, коли Сынъ чловѣческїй прїйде“.

Новости

— Всѣм нашим читателям и другам „Благовѣстника“ желаем щастливѣ великої свята.

В днях от 29/III—3/IV. 1924. р. отбыла ся в Великом Липнику, пряшевской епархїи, на Спишу перша св. *Міссія реформованих оо. Василіян.* Парох Липника великого, о. Андрей Зима попросив на сю Міссію отцов из Мукачевського монастыря. Взяло у ней участъ трох отцов-монахов а се: о Полікарп Булик, игумен Мукачевского монастыря и оо. Павло Гайдич и Стефан Решетило. Вѣрники Липника Великого и дочерноѣ церкви в Фольварку охотно спѣшили на науки міссійнѣ и з радостю приймали слово Божое. Успѣхом св. Міссіи было змоцненье духа вѣры и привязаня до св. Церкви и розбудженье

христіянского житя. Суєднъ священики так грецького, як латинського обряду радо поспѣшили з помочю духовною. Всѣ участники Міссії висповѣдалися. До св. причастя приступило в часъ св. Міссії поверх 900 душ. Зворуваючий быв вид як одуванчений численно зобраний народ в послѣднем дни Міссії по посвяченю и уставлению св. Місійного Креста, та послѣдной промовѣ Місіонаров с плачем пращав оо. Місіонаров благачий, чтобы еще приїхали до них проповѣдати Боже слово. Слѣдуючого дня зобрало ся раненько великое множество людей, чтобы в торжественною процесію при звуцѣ дзвонов ещераз попращати оо. Місіонаров и подяковати им за их труд. Заслуга в том о. Андрея Зимы, приходника тамошнього, что своих вѣрных до св. Міссії приготовив и в часъ самой Міссії не занедбав нѣчого, что могло причинитися до еї счастливого довершеня. Богу най буде слава за все! Молимся до „Господа жатви, да послетъ дѣлателы на жатву свою“ бо „жатва“ у нас многа, дѣлателей же мало!“

— **Рука Божа.** Русское Слово сообщае: Пишути до нась съ Клеченова слѣдующе: Передъ короткимъ часомъ прійшовъ до о. пароха „панъ Шестакъ“, шустерь клеченовскій записати оголоски. О. парохъ зачудовався тому, бо знае, что его жена еще жіе и звѣдався отъ него: „А коли твоя жена померла?“ Шестакъ на то отвѣтивъ: „Она еще жіе, але седрія кошицка нась розлучила“. О. парохъ двѣ годины поучовавъ Шестака, что кошицка седрія якъ и жадный судъ того свѣта не мае власти то розлучити, что Богъ связавъ. Але поученіе отца пароха не помогло. Другій день пришовъ „панъ Шестакъ“ на ново до о. пароха съ двома кальвинами, чтобы заявити выступленіе изъ грекокаѳолической вѣры, котра ему не позволяе забрати другу жену, поки его перша еще жіе, хотя и кошицка седрія ему то позволила. Одинъ зъ тыхъ кальвиновъ такъ скажавъ о. пароху: „Если я маю нетягаючого коня, то я его можу вымѣнити. Такъ може и „панъ Шестакъ“, шустерь, вымѣнити „свою жену“. О. парохъ знова старався научовати „пана Шестака“, что онъ не мае жадной власти надъ конями, бо онъ пастырь безсмертныхъ душъ, а не звѣрей. На се всѣ трое оставили парохію. О пять дней „присягъ“ (?) „панъ Шестакъ“ передъ кальвинскимъ пастыремъ и взявъ собѣ за жену одну кальвинку, котрой обѣцавъ вѣрность до конца житя своего. Но счастье „молодыхъ“ тримало лишенъ три тиждни. Господь Богъ паразъ перервавъ житъ „пана Шестака“ и Шестакъ померъ наглою смертю, безъ св. причастя, безъ елеопомазанія. Господь Богъ закликавъ его на свой судъ, гдѣ Шестакъ могъ пересвѣдчитися, что ничего не помогло ему рѣшеніе кошицкой седріи, ни парадный похоронъ кальвинский. —

— **Духовна праця епископа пряшевскаго.** Дня 16-го марта преосв. Діонізій нашивив своих вѣрников в селѣ Фуланцѣ (Шариш), привѣтствовали его торжественно с бандерією и с святочною брамою; епископ до св. службы сповѣдав вѣрников

віедно с другими священниками, потом отправив торжественну службу Божу. Вечером на желаніе вѣрников нашивив в Капу-шанях церков и свое гр. каѳ. руськое стадо. 23-го уже в Керештвѣ держить миссію преосвященный. Народ в великом числѣ згromadив ся на привѣтсвованіе Епископа и численнѣ приступали до св. Причащенія. По вечерни Владыка нашивив школу, где мог радовати ся красным отвѣтам дѣточок из катехизма и из русского языка. За красный успѣх Владыка широко гратуловав о. духовному А. Келлію и учителю Юричу. Из Керештвя продовжав Его Преосвященство свою миссійну подорож и посѣтив слѣдуючъ руськъ гр.-каѳ. села: Дзурдзѣш, Ганушовце, Матяшка, Кобульниця, Гиральтовця, Собош, где всягде возбуждав епископ своих вѣрников до побожного житя и вѣрности до отцевской вѣры. Всягде посѣтив и школу и интересовався поступом школьной молодежи в науцѣ вѣры и руського языка; в церквах сповѣдав людей, отправляв богослуженія и проповѣди держав. Не може там ересь и схизма тріумфовати, где така прилѣжна праця апостолска совершиа ся. (Русское слово.)

— Редакція Благовѣстника достала из Риму портрет (образ) Его святѣшого отца с слѣдоючим надписом: „Св. отець, архіерей Пій XI. свое апостолское благословеніе дае редакторам, дописвателям и всѣмъ читателям руського часопису „Благовѣстник“. Подписано: Пій XI.

— Отзначеніе. *Іван Куртjak* выбраний посол за заслуги около обороны вѣры достав от римского престола одзнак лицарства св. Григорія. На многая лѣта!!

— Монашескій Обѣт. О. ~~Павел~~ (Петро) Гайдич бывшій директор пряшевской епископской канцелларіи 10-го марта зложив обѣт монашескій в монастырѣ чина св. Василія на горѣ Чернек (коло Мукачова) в руки преосв. Діонізія Нярадія.

— Откритый лист к правительству помѣстили в ческих газетах гр. каѳ. священики пряшевской епархіи. В том указывают на велику за-

слугу гр. каѳ. духовенства в сохраненію народности и языка руського народа, а за что в взаєм достали од чехов бородатых, некултурных батюшков и подпорованіе шизмы владою. Сему може влада дяковати и то, что на Подк. Руси так сильно разширяєся комунізм. Пряшевскѣ духовники смѣло указывают на корень зла и энергично просять усуненіе всякой шизматицкой агитації меже руським народом („Lid. Listy“ 82.)

— Назад у Христову церков. О. Григорій Бѣлобруцкій гр.-восточный (православный) священик из Россіи оставил вѣру фотіянску и вернувшись на прадѣдну вѣру каѳолическу. Поддержав свое священство и теперь дѣйствує в Польщѣ в Полоцкой епархіи.

— Герцог Бирон Августин из Курланду, знаменита особа высшего магнатского круга из лутеранскої вѣры вернувшись назад в Христову каѳол. церковь.

— **Новий календар в Югославії.** „Православна рада“ Югославії приняла реформу календаря и признала право повдовѣлым священникам наново женитися. Еднако з переведеньем сеъ „реформы“ будуть чекати дотѣ, поки „православнѣ“ церкви інших держав не рѣшать в сей справѣ. При том сербскѣ газеты (Застава, Вистник) нападають на россійское еміграційное духовенство, которое агитує в Югославії против нового календаря. Пишеся там: „не можно згодитися на се, чтобы тѣ правили нашою державою и церковю, котрѣ запопастили свою державу и свою церков!“ Что скажутъ на сю критику нашѣ кривослави-иики-русофилы?

— **Кара Божа.** В первой половинѣ мѣс. марта сталося в Синевирѣ, что одна гр. кат. дѣвушка поклонилася хлопови-шизматикови: „Слава Іисусу Христу“. Хлоп закричав на дѣвку: Что, ты славиш Христа, доста, доста вже славили... и так дале. Дѣвушка звѣдалася:

— Та як же кланятися тобѣ!

— Сяк: „Дай Боже“ одповѣв хлоп. На се донька скаже, но та „Дай Боже“ и пошла дале. В той хвилѣ хлоп махнув топором и розколов собѣ ногу.

— **Из раю комунистов.** Червенѣ „спасителѣ“ почали в Россіи велику пропаганду против вѣры. Понеже с уби-ваніями священиков не могли достигнути своеї цѣли, почали роздавати всякѣ брошурь, книжки писанѣ против вѣры под заглавіями: „Атеист“, „безбожник“ и т. д. Из всѣх книгарень выметали св. письма

испалили; в днях праздничных устроють представленія и обходы в которых высмѣваютъ побожность. Церкви перемѣнѣ в низкѣ забавнѣмѣстности; зраднику Юдѣ намѣряютъ поставити статую; христіянскѣ имена перемѣняютъ на комунистичнѣ, а новорожденѣ дѣти достанут имена: Чорт, Діявол, Пекло, Злый Дух и т. д. Так то вы-глядаетъ партія „худобных“ в практическомъ животѣ. Люде позор!

— **В Америцѣ конаютъ.** Пока в Подк. Руси агитаторы чужинцѣ со всякими способами усилиуютъся розширить ложное православіе шизматиков, доти в Сѣверной Америцѣ без подпоры бывшоѣ царскоѣ пропаганды очевидно утрачуютъ силу свою и упадають. Между численными приходами новѣй-ши Нубрунсвикски (Ну-Дзызи) русины отдалили судебнымъ путемъ батюшка Гарпаша (бо честно не хотѣвъ отступитися) и однодушно выявили, что они лиш гр.-каѳ. русского духовника потребуютъ. Депутаціи высланою ними декан Трентонскій Е. Гомичковъ выявивъ, что сердечно постараєся, чтобы ап. администратор уже на Рождественнѣ свята выслав им гр.-каѳ. русского духовника.

— **Неважнѣ супружества.** Ческое правительство выдало разпоряженіе, что всѣ вѣрники ч.-словенской церкви (схизматицкой) котрѣ ступили на супружество по перевороту, але еще передъ законнымъ установленіемъ их церковной громады, мають появитися передъ своимъ духовниками с двома свѣдками и зновъ повѣнчatisя

и зложити божбу супружеску (Дея с. 53). В смыслѣ сего разпоряженія также у нас всѣ дотеперьинъ супружества схизматиков суть неважными не только перед церковным, але и перед свѣтским судом; бо наши схизматики не выступили законно, ани не суть зоганизованъ в смыслѣ законов.

— **Ленин в небѣ.** Червенный царь, Ленин быв вождомъ коммунистов, котрѣ все то оновѣдали, что царство и рай туй на земли треба глядати ане на другом свѣтѣ. Но в дѣйности зробили в Россіи не рай но пекло, где под их панованіем миллионы умели от голоду и от меча... По смерти сего Ленина розширилося меже народом така казка:

Иде Лепин до неба, а при воротах царства стрѣтится с св. Петром.

— Что ты Ленине глядаеш туй? Ачай хочешь зайти в царство? Начто, тадь ты собѣ сотворив царство на земли в Россії!?

Иде смутно Ленин до пекла, а перед воротами Луцифер:

— А ты куда? Хочешь зай-

— **Короткѣ вѣсти.** На энергичное ходатайство римского отца российскѣ коммунисты застановили процес против патріарха Тихона и против всѣх католицких священиков. — Ческѣ аграрнѣ газеты нападаютъ на спольный Пастырскій лист епископов ЧСР. в котором говориться о хр.-ом выхованю дѣтей. (Lid 72.) — В каѳедральной церкви Пряшевской от 15-го марта заведено в 11-ой годинѣ читати св. службу Божу. — В Булгаріи правительство розвязало всѣ комунистичнѣ организаціи т. е. комунистичну партію, газеты, друкарнѣ и всякое товариство коммунистов. — В Италиї на парламентарных выборах выиграли фашисты т. е. партія христіянска. Из всѣх мандатов достали: 375; коммунисты достали лишь: 17. — В Турції заперли 38 школ, понеже не новиновалися тому закону, который прикаже отстранити крест из христіянских школ. — Архіепископ Чеплак, кого большевики выпустили из ареста прибыв до Варшавы, где его принимали торжественно. — В Греції $\frac{3}{4}$ — а часть населенія голосовала на республику, мѣсто корольства. — В Баваріи выиграла христіянска-народна партія, котра одержала из всѣх мандатов 36; коммунисты 7. — В Мюнхенѣ

ти до пекла? Ба начто; не маеш ты доста пекла в Россіи? и он не пустив его.

— Двѣ греко-восточнѣ державы км. Югославія Румынія завязати хотять конкордат (договор в церковных спрах) с римским престолом. Даю уже на столько доспѣло, что сербскій министер просвѣщенія Янич в парламентѣ заявив, что в близком времени буде конкордат подписан. Вопрос заведеня нового календаря переговорюєся на одном народном церковном синодѣ г. 1925. в Нишѣ.

— **До Лурда.** Сполок Лурдскій в Празѣ намѣряе устроиti екскурзію до Лурда через Милан, Ривіеру, Париж, от 24. авгуستа. Информаціи подає: Farskij Urjed, Praha, Jungmanovo nam. 20.

Хвальнай Ред. Благовѣстник“-а. „Кирило-Методейска Лига Студентов в Празѣ“ просить всѣх греко-католиков, котрѣ мають своих родственников або знакомых (нестудентов) жиющих постоянно в Празѣ, обы подали их точну адрессу. Справа е дуже важна бо иде о забезпеченія гр.-кат. богослужбы в Празѣ и евентуально о заложенія греко-кат. громады в головном мѣстѣ республики. Просиме засилати на адресу: Cirilo-Metodejská Liga Studentská, Praha II., Vognislinská c. 1.

от 16—до 20 апрѣля духовнѣ упражненія держали для журналистов, писателей, критиков и библіотекарей.

На фонд Благовѣстника.

Х Пій, римскій отец казав, коли еще архієпископом быв в Венеції, что волѣе продати свой епископскій крест, як допустити, чтобы застанилась мѣстна христіянска газета.

| | | | | | | |
|--------------------------------|----|----|----|----|----|-------|
| І. Неймет | .. | .. | .. | .. | .. | 23·80 |
| Олга Волошина .. | .. | .. | .. | .. | .. | 38.— |
| Гр.-каѳ. вѣрники в Невицком .. | .. | .. | .. | .. | .. | 25.— |

Воззваніе к предплатникам.

Редакція наша звертається до читальнив с тою просьбою, чтобы всѣ тѣ, котрѣ еще не заплатили свої рештанці, нѣй зволять чим скорше выровнати еї. Перед кождым явное, сколько много стоит днесь печатаніе и администрація одной такой перворядно выставленной газеты, як Благовѣстник. Мы из жадного жерела не доставаеме матеріальну подпору, мы живеме из тых геллеров, что нам засылаютъ наши предплатники. На жаль доста великое число тых, котрѣ хотя уже третій рок читають нашу новинку до сих пор еще и геллера не заслали на предплату. Такѣ люди причиняютъ упадок одного такого важного оружія в оборонѣ вѣры, як христіянска пресса. Никто не може от нас пожадати, чтобы мы при нашей великой працѣ еще и всѣ матеріальнѣ выдатки газеты покрывали. Каждый совѣтный христіянин мае свои повинности взглядом обороны своей вѣры; слабый то христіянин, кто еще и 12 Кч. шкодуе на газету обороняющу Христову вѣру.

Переписка редакціи.

P. Dolianu. Засланый Місіонарь красно дякуеме. Нам буде он дуже хосновитый; из него видно, что в Америцѣ подобно як у нас кипить религійна борьба.

Rev Фецков. Из года 1923. маеме цѣлый рочник; из р. 1922 не суть всѣ. Хиблять Ч. 1. 2. 5.

Місіонар. Америка. Будьте ласкавъ посылати от 1-го января 1924 року ваш часопис в обмѣну за „Благовѣстник“.

СОДЕРЖАНИЕ.

ХРИСТОСЪ ВОСКРЕСЕ. — НАУКА О ВѢРѢ: Створеніе чоловѣка. — В ЗАЩИТѢ ВѢРЫ: Безвѣrie из дня на день росте. Конаръ оттятый . . . — ЧОМУ ПРАЗДНОВАТИ НЕДѢЛЮ А НЕ СУБОТУ? — БЕСѢДА. Два братя. — ИЗ ШИЗМ. РАЮ: Слово в устах батюшки. Батюшка в темницѣ. Се уже цѣлькомъ много. Мурник в Церкви. Уже и осмий батюшка утѣк . . . — БОРЬБА ЗА ЦЕРКОВ. — ВСЯЧИНА. — НОВОСТИ.

Выходить двараз в мѣсяцъ
кождого 1-го и 15-го.

А Д Р Е С:
Редакція: Kapitulska ulica 10.
Администрація:
Užhorod, Duchnovičova č. 12.


ПРЕДПЛАТА:
на рок 12.— К
одно число 1.— К
За границю 20.— К
До Америки..... 1 Д.

ОБЯВЛЕНИЯ
принимаються по цѣнѣ
за 1 сторону .. 200 К
за 1/2 стороны .. 120 К
за 1/4 стороны .. 65 К

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР
ЕМИЛІЯН БОЖШАЙ.

СУКНА А МОДНѢ МАТЕРІЯЛЫ,



шанскѣ и дамскѣ унiformовѣ, течихы,
церковнѣ сукна, готовѣ реверенды, сти-
хары и одежи додасть Вам найдунше
по мustrѣ, которы пошлиются на жаданя.

Выроб сукон **HEZINA A SPOL** Humpolec
Повѣреный лиферант Церковного Товариства про Реп. Чсл.


БОЖѢ ГРОБЫ, СТАТУѢ

ВЫРОБЛЯЕ ИСКУСТНОЕ ПОДІРІЕМСТВО

РЕННА А СНARVÁT

— KUTNÁ HORA 515. ČECHY. —

КОГУТ и ГОРЕЙ
УЖГОРОД, РАКОЦІЯ ул. ч. 11.




Много признань, похвальных листов и подяк. За
належите выполнение и милый звук звонов повна
запорука.

„СВОЙ ДО СВОГО“.

„СВОЙ ДО СВОГО“.

ЦЕРКОВНѢ ПРЕДМЕТЫ

як: кресты, свѣчники,
образы до ношения
и т. д.



ВЛАДИМИР КОГУТ

Принимає до золочення нашѣ и
обновляє всякѣ ишв церковнѣ
предметы. Купуйте за тунѣ грошѣ
лем у руської фірмы.

Ужгород, Ракоція ч. 11.

В КНИГОПЕЧАТНЯ „УНІО“

МОЖ ПОЛУЧИТИ СЛЪДУЮЧЪ КНИГИ:

| | Кч |
|--|-------|
| 1. Азбука Волошина | 7.— |
| 2. Читанка „ II. кл. | 6·50 |
| 3. Аритметика Волошина I—II. кл. 2 кор., III. кл. 2 кор. IV. кл. | 2·60 |
| 4. Методическая грамматика Волошина | 5.— |
| 5. Географія М. Григашія по русски и по мадярски | 5.— |
| 6. Малый катихизм | 1·20 |
| 7. Средний „ | 3.— |
| 8. Великій „ | 5.— |
| 9. Мала біблія | 3.— |
| 10. Середна біблія | 10.— |
| 11. Наша правда в вѣрѣ от д-ра Ю. Гаджеги... | 2.— |
| 12. Прочто праздновати недѣлю а не субботу от д-ра Ю. Гаджеги | 3.— |
| 13. Библейские вопросы с точки зрењія восточных церквей | 3.— |
| 14. Вѣнец, стихотв. Павловича | 18·60 |
| 15. Великій Зборник } ... | 40.— |
| 16. Середный „ } с латиникою | 24.— |
| 17. Малый „ } ... | 15.— |
| 18. Ангел Господен } ... | 6.— |
| 19. Марія Повчанскій Паломник... | 16.— |
| 20. Пѣсемник, от директора промысловыхъ школ Ф. И Шпали | 12.— |
| 21. Рисование для дѣтей с русским текстом ... | 6.— |
| 22. Рисование для дѣтей съ чешским текстом ... | 4.— |
| 23. Рисование геометричное | 15.— |
| 24. Ручна праця в школѣ с чешским или мадярским текстом | 16·50 |

В том состоянїи есме, что всѣм заказующим через
48 годин можеме почтовно провадити.

КНИЖКИ БЛАГОВЪСТНИКА:

Ч. 1. Мих. Гелебан:
ГДЕ ГЛЯДАТИ ПРАВУ.

(Святое православие)

Поучительна книжка, для всѣх греко-католиков. Списано в ней як вернувшись назад в Христову Церков оден чоловѣк, кого шизматики здурили. Книжку мусить перечитати каждый свѣдомый русин греко-каєолик и з неї научитися цѣнити свою вѣру и вароватися от ложных пророков... .


Цѣна 1 Кч.

Ч. 2. Преосв. Діонисій Нярадій еп. Пряшевський:
О ХРИСТИАНСКОМ ВЫХОВАНЮ В ФАМИЛИИ.

Высокодостойный писатель сей книжочки дае добрѣ порады родичам, учителям, священикам як выховати дѣтей в христіянском дусѣ. Епископ Нярадій острим оком утюмив, что наша будучность — то наша молодь; если наши дѣти выховують ся в дусѣ христіянской религії, тогды еще Подкарпатскую Русь можеме ратовать для Бога. Новое поколѣнье мае быти христіянское; души невинных дѣтей не можеме оставить доричею схизматиков и безбожников. Книжочка ся там мае быти на столѣ, в хатѣ кожного свѣдомого русина — греко-каєолика.

Цѣна 1.20 Кч.

ZVONARSTVÍ



OKTAV WINTER Brno u m v ČSR.

Книгопечатня Акційного Товариства „Уніо“ в Ужгородѣ.